

Ne löstije Nommedach an de Sindörper Möll

Beim Könning wor ich net enjelade.

Do han ich jedaach: „Et könnt jo nix schade,
jon ich am Samsdach, och weil Hubät dat well,
mem Heimatverein zo de Sindörper Möll.“

Jrod wie en hondon komen zemlich vill hock.
Met Jebell wued mer am Enjang bejlöck.

Zwei Höngk woren düchtich am protestiere,
weil mer en ehrer Rauh se dat stüre.

En England jov et jo och Proteste.

Domat hadden Policemen Moleste.

Döckes los mer: Not my King.

Met dä Pueschte en de Blech et jing.

Mir trofen em Hoff op Hubät un Bert.

Van de Jebäude wued ierz jet erklärt.

Donoh kom Johannes en et Spell,

dä janz vill woss övver et Rad van dr Möll.

Dodrop jing der Huushär met oss en de Ställ

un heelt övver seng Diere ne lange Verzäll.

Zoierz wued dä Saustall anvisieet.

Do logen Eber un Sau jenösslich liieet.

Die Sau wor vam Sex total jeschaff.

Der Eber hät övver sich opjeraff

un kom an de Britz ens schnüffele.

Er wollt secher jet Jodes ze müffele.

Jelient wor dä Eber, dat es net zom haache,
öm dä Sau e bitzje Freud ze maache.

Nu jing et wegger zo de Päed.
Dovon jitt et om Hoff en ganze Häed.
Jekrönte Diere konnt mer bestaune.
Mir waren all en bester haune.
Donch komen de Köh dann an de Reih.
Ne kleine Bulle wor och dobei.
Lenkstange han die Diere om Kopp,
han sich jemütlich et Heu renjestopp.
„Beim Schlaachte,“ säät Hubät, „dat es jewess,
han oss Köh he jar keine Stress.“
Om Hoff jeit et en nämlich an et heve.
Kann et wahl jet Besseres jeve?
Die Auge vom Huushär löchteten op.
„Dat Fleisch van dä Diere es woholich top,
“ schwärmt hä oss vür. Dann jing et erus.
Do jor et noch Hotdogs vom Grill zom Schluss,
zom Drenke jeköhlte etliche Dröppche
för jrueße höck un kleine Ströppche.
Un wann ehr wäjen em Wedder dängk,
dat hätt de Fruhsenn enjeschränk,
dann sage ich üch, dat konnt oss net stüre,
mer kann och em Rän sich amesiere.
Mir soßen zesamme un hadden Spass.
Neuwenan leef et Feddervek durch et Gras.
Vom Hongksjebell us de Hongkspression
erklong su mäneche aläte Ton.
De Punte trok et zom Wasser hen.
Zom Flöck feel keiner van denne eren.

Et wor an de Möll en jelongene Saach.
Bert hatt zom Schluss sich usjedaach,
dat Faßbenders könnte, dat dät net stüre,
zom Sindörper Heimatverein jehüre.
Für Claudia hät er ne Struß spendieet,
Johannes un Vatter de Welt offerieet.
De Welt van Sindörp heelt er parat,
ne löstije Flopus em Kleinformat.
Spät wor met dem schöne Nommedack Schluss.
Et trok oss em Rän dann wedder noh Huus.

Danke an all die fließije Löck,
die oss an de Sindörper Möll han bejlock.

Levi Jöpen